

Т. XXI, № 10, 1968

Է. Տ. ԿԱՐԱՍԵՖԵՐՅԱՆ

ԵՐԵՎԱՆԻ ՇՐՋԱԿԱՅՔԻ ԳՈՐՏԵՐԻ ԱՐՅԱՆ ՊԱՐԱՉԻՏՆԵՐԸ

Ամֆիբիաների արյան պարազիտոֆաունայի ուսումնասիրության վերաբերյալ շատ քիչ աշխատանք է կատարված Սովետական Միության մեջ ընդհանրապես, եթե նկատի չունենանք մի քանի աշխատանքներ, որոնցից են՝ Մարկովի աշխատանքը Լենինգրադի շրջանում, Զմեևի աշխատանքը Տաշկենտի ՍՍՀ-ում, Ֆինկելշտեյնին՝ Կովկասում և ուրիշները [1]: Նշված աշխատանքները հիմնականում վերաբերում են սողունների և ամֆիբիաների արյան պարազիտների նկարագրությանը և սիստեմատիկային:

Հայաստանում վայրի կենդանիների արյան պարազիտներն ուսումնասիրված են թռչունների [4] և սառնարյուն կենդանիների [2, 3] մոտ: Նշված աշխատություններում տեղ չի գտել ամֆիբիաների արյան պարազիտների ուսումնասիրությունը, որը և առիթ հանդիսացավ հետազոտության օբյեկտ ընտրել Երևանի շրջակայքի ջրականոցներում ապրող գորտերը:

Նյութը հավաքված է տարվա տարբեր ժամանակներում, մեծ մասամբ Երևանից և նրա շրջակայքից: Հավաքված և հետազոտված են 600 գորտ, նրանցից պատրաստված են պրեպարատներ՝ արյան քսուկներ և հաստ կաթիլներ, իսկ շատ դեպքում նաև ներքին օրգաններից (լյարդ, սիրտ, փայծաղ) պատրաստված են դրոշմներ: Բոլոր պրեպարատները ֆիքսված են Նիկիֆորովյան լուծույթում (1 : 1 եթեր-սպիրտ) և ներկված Ռոմանովսկու ներկանյութով:


Այդ գորտերի մեծ մասը պատկանում են *Rana ridibunda* և *Rana esculenta* տեսակներին: Հետազոտված 600 գորտերից արյան տարբեր պարազիտներով վարակված են 6-ը, որոնցից 4-ը՝ արյան սպորափորներով, իսկ 2-ը՝ ֆիլարիաներով: Արյան սպորափորների չորս դեպքերից երկուսը մենք որոշել ենք որպես *Haemogregarina* (կարգ *Coccidia*, ընտանիք *Haemogregarinidae*):

Պարազիտով վարակված են գորտերի թե ներքին օրգանները և թե արյունը: Արյան քսուկում պարազիտը հիմնականում տեղակայված է էրիթրոցիտներում, սակայն հանդիպում է նաև պլազմայում: Պարազիտը պիզմենտ չունի: Էրիթրոցիտներում նա տարբեր ձևեր և տարբեր չափեր ունի: Պարազիտի խոշոր ձևերը կիսալուսնաձև կամ երշիկաձև են, իսկ փոքրերը՝ օվալաձև, մի ծայրը սուր, իսկ հակառակ ծայրը՝ բութ: Երբեմն պարազիտն ունենում է անորոշ ամեորաձև տեսք, իսկ աճման ընթացքում ձգվում, երկարանում է (նկ. 1):

Կորիզը մեծ մասամբ գտնվում է բջի կենտրոնում և ներկվում է մուգ մանուշակագույն: Մարմնի լայնացած մասում երևում է բաց գույնի վակուոլը: Պրոտոպլազման հատիկավոր է: Խոշոր ձևերով վարակված էրիթրոցիտների կորիզը սեղմված է ապակենտրոն, իսկ ինքը՝ տեղ բջիջը առանձնապես փոփոխության չի ենթարկված: Էրիթրոցիտներում լինում են պարազիտի գամետոցիտներ: Գորտերի մոտ արյան էրիթրոցիտը մեծ մասամբ վարակված է մեկ

պարազիտով, բայց հանդիպում են նաև երկու պարազիտով վարակված էրիթրոցիտներ (նկ. 2):

Հեմոգրեգարիները իրենց զարգացման ընթացքում ունեն երկու տեղ՝ ողնաշարավոր (սողուններ, ձկներ, երկկենցաղներ) և անողնաշարավոր (սղրուկներ): Պարազիտը իր անսեռ բազմացումը կատարում է ողնաշարավոր տիրոջ մոտ, իսկ սեռական բազմացումը (սպորոգոնիա)՝ սղրուկի մոտ, որը հանդիսանում է այդ պարազիտի փոխանցողը:




Նկ. 1. Haemogregarina պարազիտը էրիթրոցիտում:




Նկ. 2. Էրիթրոցիտը՝ վարակված երկու Haemogregarina պարազիտներով:

Հեմոսպորիդներով վարակման մյուս երկու դեպքերը մենք որոշել ենք որպես Lankesterella (Coccidia, Eimeridia): Այդ տեսակը հայտնաբերված է Rana esculenta գորտի մոտ. պարազիտը մեծ մասամբ տեղակայված է էրիթրոցիտներում և երբեմն՝ էլ՝ պլազմայում: Պարազիտի մարմինը օվալաձև է, կամ որդանման, մի ծայրը սուր, իսկ հակառակ ծայրը մի փոքր կորացած: Биологический журнал Армении, XXI, № 10—7

լավ նկատելի է կորիզը, որը տեղակայված է բջջի բուլբ (կորացած) ծայրում, ներկված է կարմրավուն: Ցիտոպլազման հատիկավոր է, սեղմված պատերին և աղոտ ներկված. լավ երևում է կենտրոնում գտնվող խոշոր վակուոլը: Պարազիտով վարակված էրիթրոցիտը փոփոխության չի ենթարկված, ինչպես նաև չեն փոփոխված տեր բջջի դիւբը և շափերը: Հետադոտված արյան մեջ հանդիպում են ալնալիսի էրիթրոցիտներ, որոնք վարակված են երկու պարազիտով (նկ. 3):



Նկ. 3. *Lankesterella* պարազիտը էրիթրոցիտում:



Նկ. 4. *Microfilaria* պարազիտը լյարդի զրոշմում:

Գրականությունից հայտնի է, որ այս պարազիտները գորտերի մոտ փոխանցվում են տզրուկի միջոցով: Տզրուկից սպորոզոիտները անցնում են գորտի տարբեր օրգանների կապիլյարները, թափանցում էնդոթելային բջիջների մեջ: Շիզոգոնիայի ընթացքում գոյանում են մերոզոիտներ և միկրո-մակրո գամետոցիտներ: Անիզոգամ կոպուլացիայի հետևանքով առաջանում է զիգոտ, որից՝ օոցիստ, նրա մեջ գոյանում են մեծ թվով սպորոզոիտներ, որոնք բնակվում են արյան պլազմայի մեջ, այնտեղից թափանցում էրիթրոցիտը:

Կլոր որդերին պատկանող միկրոֆիլարիա արյան պարազիտ թելանման որդը հայտնաբերված է հետազոտված գորտերից երկուսի մոտ (*Rana esculenta* (նկ. 4): Պարազիտը լողում է արյան պլազմայում: Մորֆոլոգիական հատկանիշներից բնորոշ է պարազիտի մարմնի երկարավուն, թելանման ձևը: Նկատելի է մարմնի առաջին բութ և հետին սուր ծայրը, թափանցիկ երկշերտ թաղանթը: Ռոմանովսկու ներկով միկրոֆիլարիաները ներկվում են բաց մանուշակագույն:

Միկրոֆիլարիաները էնդոպարազիտներ են և իրենց զարգացումը անց են կացնում միայն կենդանիների օրգանիզմում: Նրանք թրթուրային ստադիան անցնում են ողնաշարավոր կենդանիների արյան մեջ: Վարակված կենդանիներից պարազիտներն անցնում են միջակա տիրոջ—միջատների մոտ՝ արյուն ծծելու միջոցով: Միջակա տիրոջ (մոծակ, մլակ, ճանճ) մոտ կատարվում է պարազիտի հետագա զարգացումը: Միկրոֆիլարիաները հայտնաբերված են կաթնասունների, թռչունների, երկկենցաղների մոտ:

Այսպիսով հետազոտությունները ցույց տվին, որ Երևանի շրջակայքի ջրական զննքում բնակվող գորտերի միայն փոքր տոկոսն է վարակված արյան պարազիտներով: Ուսումնասիրված 600 գորտերից միայն 6-ի մոտ հայտնաբերվեցին արյան պարազիտներ: Վերջիններիս մորֆոլոգիական ուսումնասիրությունը հնարավորություն տվեց պարզել նրանցում, առնվազն երկու տեսակների պատկանող, միաբջջի արյան պարազիտներ՝ *Haemogregarina* և *Lankesterella*: Տեսակի որոշումը մենք հնարավոր չգտանք, քանի որ ուսումնասիրված չէ պարազիտների զարգացման լրիվ ցիկլը: Որոշ հետաքրքրություն է ներկայացնում գորտերի արյան մեջ թելանման պարազիտ որդերի հայտնաբերումը:

Մեր տվյալները նախնական բնույթ են կրում և կարիք ունեն հետագա բազմակողմանի ուսումնասիրության:

Երևանի բժշկական ինստիտուտ,
Կենսաբանության ամբիոն

Ստացվել է 3.III 1968 թ.

Յ. Դ. ԿԱՐԱՍԵՓԵՐՅԱՆ

КРОВЕПАРАЗИТЫ ЛЯГУШЕК ОКРЕСТНОСТЕЙ г. ЕРЕВАНА

Р е з ю м е

Паразиты крови исследованы у 600 лягушек, обитающих в водоемах окрестностей г. Еревана. Лягушки принадлежат, в основном, к двум видам *Rana ridibunda* и *Rana esculenta*. Паразиты изучены как в мазках крови, так и в отпечатках различных органов (печень, легкие, сердце и др.). Морфологическое изучение паразитов крови позволило установить их систематику, видовую принадлежность и отнести к двум типам: 1) из простейших — *Haemogregarina* и *Lankesterella*; 2) из круглых червей — *Microfilaria*.

Проведенные исследования позволили установить также, что очень незначительный процент лягушек, обитающих в водоемах окрестностей г. Еревана, заражен кровепаразитами.

Ր Ե Յ Ո Մ Ե

1. Глущенко В. В. Труды Укр. респ. научн. общ. паразит., I, Киев, 1961
2. Мкртчян З. А. Биологич. журн. АН АрмССР, XIX, 10, 1966.
3. Ս տ ե փ ա ն յ ա ն Ա. Երևանի համալսարանի գիտ. հանդես, հ. 9, 1939.
4. Կ ա ր ա պ ե տ յ ա ն է. Տ. ՀՍՍՀ ԳԱ Տեղեկագիր (բիոլոգ. և գյուղ. գիտ.). 12, 1, 1959.